

Supervizor podržava nastojanja Vlade Brčko Distrikta u preuređenju tržnice Arizona

Vlada Brčko Distrikta planirala je da 3. aprila počne sa rušenjem bespravno izgrađenih objekata na javnoj imovini duž puta Tuzla-Orašje na tržnici Arizona. Cilj ove aktivnosti bio je da se raščisti prostor na kojem će se graditi nova infrastruktura, uključujući i drenažne cijevi i uslužni put, u skladu sa Regulacionim planom za tržnicu. Protivnici uređenja tržnice Arizona su se nezakanito umiješali u posao odgovornih službenika i spriječili ih da izvrše svoje zaduženje.

Svako ko se našao u saobraćajnoj gužvi na tržnici ili ko je pokušao da tamo kupuje za vrijeme jake kiše će sigurno razumjeti da su ova poboljšanja infrastrukture apsolutno neophodna za bilo kakvo poboljšanje uslova na tržnici.

Supervizor Clarke želi da podsjeti javnost da su uspostavljanje vladavine zakona na tržnici Arizona i omogućavanje njenog adekvatnog preuređenja osnovni elementi njegovog mandata u Brčko Distriktu. Protivnici uređenja tržnice su svojim opstrukcijama 3. aprila pokazali flagrantno nepoštivanje zakona. Međutim, oni ne treba da budu ohrabreni tolerancijom koju je Vlada ranije pokazivala. Osobe koje nezakonito sprečavaju implementaciju projekta moraju se shodno tome suočiti sa pravnim posljedicama. Supervizor u potpunosti podržava Vladu u sprovođenju zakona i skupštinskih odluka u vezi sa tržnicom Arizona, kako bi se potpuno i konačno iskorijenili bezakonje, kriminal i nesigurno okruženje, koji su bili prisutni na tržnici do prije dvije ili tri godine, i zamijenili adekvatno organizovanim trgovinskim okruženjem u službi mušterija i trgovaca.